

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 57. stav (1), člana 58. stav (1) tačka d), člana 68. stav (1) i (4) tačka i), člana 69. stav (2) tačka d) i člana 70. stav (4) Zakona o javnim nabavkama („Službeni glasnik BiH“, broj: 39/14) i tačke 3.2. a), 4.1. i 4.2.2. Tenderske dokumentacije za postupak javne nabavke za pružanje usluga dugoročnog kreditnog zaduženja Zeničko-dobojskog kantona u 2021. godini, broj: 07-11-8610-6/21 od 07.07.2021. godine, na prijedlog Ministarstva finansija, Vlada Zeničko-dobojskog kantona, kao ugovorni organ, na 126. sjednici, održanoj dana 21.10.2021. godine, d o n o s i

ODLUKU

o odbacivanju ponude i poništenju dijela postupka javne nabavke za LOT 2

Član 1.

(Odbacivanje ponude i poništenje postupka javne nabavke za LOT 2)

(1) Odbacuje se ponuda ponuđača UniCredit Bank dd. Mostar, ul. Kardinala Stepinca bb., 88000 Mostar, podnesena za LOT 2 otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2021. godini, koji je objavljen dana 09.07.2021. godine u 11,08 h na Portalu Agencije za javne nabavke, pod brojem: 14143-1-2-3-3-1/21, iz razloga što navedeni ponuđač nije u ponudi dostavio sve tražene dokumente (dokaz o registraciji - kopija Aktuelnog izvoda iz sudskog registra - Aneks broj IX), koji čine obavezan sadržaj ponude u skladu sa tačkom 3.2. a) i 4.1. Tenderske dokumentacije i članom člana 57. stav (1) i članom 58. stav (1) tačka d). Zakona o javnim nabavkama.

(2) Poništava se dio otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2021. godini, koji se odnosi na LOT 2, iz razloga što za navedeni lot navedeni ponuđač nije dostavio sve tražene dokumente koji čine obavezan sadržaj ponude u skladu sa tačkom 3.2. a) i 4.1. Tenderske dokumentacije i članom člana 57. stav (1) i članom 58. stav (1) tačka d). Zakona o javnim nabavkama, čime je ponuda navedenog ponuđača, kao jedinog ponuđača za ovaj lot, postala neprihvatljivom i nepotpunom.

Član 2.

(Dostava odluke i obavještenja)

(1) Ugovorni organ će putem Ministarstva finansija Zeničko-dobojskog kantona ovu odluku i pismeno obavještenje o rezultatima postupku nabavke dostaviti svim ponuđačima koji su učestvovali u postupku javne nabavke za ovaj lot, najkasnije u roku od sedam dana od dana donošenja ove odluke, u skladu sa članom 70. stav (4) i članom 71. stav (1) i (2) Zakona o javnim nabavkama, zajedno sa Zapisnikom o pregledu i ocjeni ponuda.

(2) Daje se ovlaštenje Ministarstvu finansija Zeničko-dobojskog kantona da u ime ugovornog organa može eventualno podnesenu blagovremenu, dopuštenu i od ovlaštenog lica izjavljenu žalbu protiv ove odluke, proslijediti Uredu za žalbe Bosne i Hercegovine na nadležno postupanje u skladu sa članom 100. stav (5) Zakona o javnim nabavkama.

Član 3.

(Stupanje na snagu i objava Odluke)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

(2) Odluka će se putem Stručne službe Vlade objaviti i na internetskoj stranici Vlade Kantona i to istovremeno s upućivanjem odluke ponuđačima koji su učestvovali u postupku javne nabavke za LOT 2.

Pouka o pravnom lijeku:

Protiv ove odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove odluke.

Broj: 02-11-14136/21

Datum, 21.10.2021. godine
Zenica

PREMIJER
po ovlaštenju

Spahija Kozlić

DOSTAVLJENO:

1x Ministarstvo finansija,

1x UniCredit Bank d.d. Mostar, ul. Kardinala Stepinca bb., 88000 Mostar,
putem Ministarstva finansija,

1x Stručna služba Vlade - web stranica Vlade Zeničko-dobojskog kantona,

1x “Službene novine Zeničko-dobojskog kantona”,

1x a/a.